



UPRAVNI ODBOR

Broj: 01-02-2-1160 /25
Bihać, 21.4. 2025. godine

U skladu sa članom 103. Zakon o zdravstvenom osiguranju F BiH („Službene novine Federacije BiH“ broj: 30/97,7/02,70/08,48/11,36/18 i 61/22), člana 26. Statuta Zavoda zdravstvenog osiguranja Unsko-sanskog kantona Bihać („Službeni glasnik USK-a“ broj: 12/2015), a u vezi Finansijskog plana Zavoda zdravstvenog osiguranja za 2025. godinu, Upravni odbor Zavoda zdravstvenog osiguranja Unsko-sanskog kantona na sjednici održanoj dana 21.4.2025. godine donosi sljedeću:

ODLUKU

o sufinansiranju troškova MammaPrint testa u 2025. godini

Član 1.

Ovom Odlukom utvrđuju se kriteriji, način i postupak ostvarivanja prava na sufinansiranje troškova genetskog testiranja MammaPrint-MammaBlue test i visina iznosa sredstava za sufinansiranje troškova testa.

Član 2.

Sredstva za sufinansiranje troškova za genetsko testiranje MammaPrint-MammaBlue test osigurana su u Finansijskom planu Zavoda zdravstvenog osiguranja Unsko-sanskog Kantona za 2025. godinu.

Član 3.

Zahtjev za ostvarivanje prava na sufinansiranje troškova genetskog testiranja MammaPrint-MammaBlue test razmatra komisija Zavoda zdravstvenog osiguranja Unsko-sanskog kantona za liječenje van kantona i u inostranstvu.

Komisija iz stava (1) ovog člana daje prijedlog na osnovu kojeg rukovodioc nadležne poslovnice Zavoda donosi rješenje o sufinansiranju troškova.

Komisija je obavezna da vodi evidenciju o broju zaprimljenih zahtjeva, odobrenih i odbijenih zahtjeva i novčanih sredstava utošenih za ovu namjenu.

Odjeljenje za provođenje zdravstvene zaštite i ostvarivanje prava iz zdravstvenog osiguranja obavlja sve administrativne poslove za potrebe Komisije.

Član 4.

Zahtjev za ostvarivanje prava na sufinansiranje troškova iz ove Odluke podnosi osigurano lice ili njegov punomoćnik.

Zahtjev iz stava (1) ovog člana podnosi se nadležnoj poslovnici Zavoda zdravstvenog osiguranja Unsko-sanskog kantona po mjestu prebivališta podnosioca zahtjeva.

Član 5.

Uz zahtjev za ostvarivanje prava na sufinansiranje dostavlja se sljedeća dokumentacija:

- Nalaz i mišljenje ordinirajućeg ljekara specijaliste onkologije sa preporukom za dijagnostičkom procedurom MammaPrint test uz ostalu relevantnu medicinsku dokumentaciju
- Originalnu plaćenu fakturu/račun o izvršenoj i pruženoj usluzi na ime osiguranog lica/podnosioca zahtjeva,
- Transakcijski broj žiro računa podnosioca zahtjeva.

Komisija zadržava pravo da traži dopunu dokumentacije u svrhu dokazivanja ispunjenosti uslova za sufinansiranje prava iz ove Odluke.

Potpisivanjem zahtjeva i predajom gore navedene dokumentacije ujedno je data saglasnost za obradu ličnih podataka u cilju vođenja postupka i rješavanja predmeta.

Član 6.

Zavod će sufinansirati sredstva utrošena za izvršeno genetsko testiranje MammaPrint test u 100% iznosu.

Finansiranje troškova za genetsko testiranje MammaPrint testa, vršit će se po redoslijedu primljenih zahtjeva putem protokola Ljekarske komisije Zavoda, do utroška planiranih sredstava predviđenih u Finansijskom planu za tekuću godinu.

Član 7.

Podneseni i neriješeni zahtjevi za ostvarivanje prava na sufinansiranje troškova genetskog testiranja MammaPrint testa, koji su podneseni u tekućoj godini, a prije stupanja na snagu ove Odluke okončat će se prema odredbama ove Odluke.

Član 8.

Ova Odluka stupa na snagu danom donošenja i objavit će se na službenoj stranici Zavoda zdravstvenog osiguranja Unsko-sanskog Kantona.

Predsjednik Upravnog odbora

Ismet Sijamhodžić, dipl.ecc



Dostaviti:

- Direktor Zavoda
- Odjeljenju za provođenje zdravstvene zaštite i ino-osiguranja
- Poslovnica Zavoda e-mailom
- a/a

OBRAZLOŽENJE

Pravni osnov za donošenje Odluke sadržan je u članu 103. Zakona o zdravstvenom osiguranju F BiH („Službene novine F BiH” br. 30/97, 7/02, 70/08, 48/11, 36/18 i 61/22), članu 38a Pravilnika o načinu ostvarivanja prava iz obaveznog zdravstvenog osiguranja („Službene novine F BiH”, br. 31/02 i 20/19) i članu 26. Statuta Zavoda zdravstvenog osiguranja Unsko-sanskog kantona („Službeni glasnik Unsko-sanskog kantona” broj: 12/15 i 9/19), Poslaničke inicijative

U cilju realizacije inicijative zastupnika u Skupštini Unsko-sanskog kantona za planiranje sredstava u Finansijskom planu Zavoda za genetsko testiranje mamma print, mamma blue, a koji se koristi kod onkoloških pacijenata koji boluje od *ca mammae* a radi utvrđivanja najbolje primjenjujuće terapije kod konkretnog pacijenta, Zavod je u Finansijskom planu za 2025. godinu obezbijedio sredstva na poziciji 613 946 28 u iznosu od 150.000,00 KM.

Shodno navadenom, a u cilju realizacije pomenute inicijative i stvaranja preduslova za realizaciju planiranih sredstava, sa nadležnim ljekarima kantonalne bolnice “dr. Irfan Ljubijankić” Bihać s odjela onkologiju utvrđeni su kriteriji i smjernice za utvrđivanje medicinskih indikacija za dijagnostičku proceduru predmetnog testiranja.

Finansijska sredstva za realizaciju ove odluke obezbijedena su u Finansijskom planu za 2025. godinu na poziciji 613 946 28 u iznosu od 150.000,00 KM, a finansiranje usluge mamma print vršit će se u 100% iznosu.